

SARS E THATAFATŠA KGWEBIŠANO YEO E SEGO MOLAONG YA MOTŠHOKO KA DITHEKO TŠA GODIMO

Tshwane, 23 Feberware 2022 – Ditirelo tša Motšhelo tša Afrika Borwa (SARS) ka Dikarolo tša yona tša Ditiragalo tša Bosenyi le Kgwebišano yeo e sego Molaong di dirile ditlhahlobo gammogo le dipuruputšo le tshepetšo ya tshwaro ya dikhamphani tša disekere le dikhamphani tša go di tšweletša ka KwaZulu-Natal, Kapa Bodikela le Gauteng.

Meago yeo e tlhahlobilwego gape e purupuditswego e akaretša magae a batho ba bangwe ba balefela motšhelo. Dinamolo le ditshepetšo di nyalelana le dinyakišišo tša bophara le di oditi tša merero ya batšweletši ba disekerete, balaodi ba tšona, ditheo tša go tswalana le batho ka noši bakeng sa go tiišetša obamelo ya bona ya motšhelo le go šupetša tshedimošo yeo e ka thekgago di oditi tše bjalo.

Dinamolo tše di tlhomile morago ga ge taetšo kgonagalo ya dipharologano e šupeditšwe go ditaodišo tša khasetomo le dipušetšo tša motšhelo tša go nyalelana le ditheo.

Dipuruputšo le di tshwaro di phethile ka go golega:

- Makase a magolo a 362 a boleng bja R4.8 million ka Kapa Bodikela.
- Makase a magolo a 3852 a boleng bja R51 million ka Gauteng.
- Tlhahlobo ya sebele e dirilwe ka boemakepe bja ka Durban morago ga ge dikhontheina tše 20 di laodišitšwa ka bofora gore di tshwere motsoko wa boleng bja R24 million, mola ka tlhahlobo ya mathomo go hweditšwe thoto ya mekotlana ya disemente. Go išapele motho yena yoo wa kišontle go kgesitšwe gore o amana le kišontle ya palo ya dikilogerama tša go feta 10 million tša motsoko tša boleng bja go feta R450 million. Dinyakišišo tša ka SARS di sa tšwelapele.

SARS e tlhohleletša balefela motšhelo ka moka ga bona le bagwebi go tiišetša gore merero ya bona ya boikgafo bja motšhelo le khasetomo di lefetšwe ka nao gomme di obamela melao ya motšhelo le khasetomo.

Khomišinare wa SARS, Mrn. Edward Kieswetter, o gateletše boitlamo bja setheo le mmušo bja bo lwantšhana le kgwebo efe goba efe yeo e sego molaong le ditiragalo tša bosenyi tša se ekonomi. O rile, “Bao ba tlogago ba dira ka maikemišetšo go se nyake go lefela metšhelo yeo e lebanego ka go ikama go ditiragalo tša bofora le ditiragalo tše dingwe tša go se obamele, ba tla lebanywa gape ba tla otlwa. Maitshwaro a mohuta wo a tla thatafaletšwa gomme a tla lefišwa dikotlo tša godimo.”

Go hwetša tshedimošo enngwe, ka kgopelo ikgokaganye le, SARSMedia@sars.gov.za